



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De Praeposito Parisiensi, quem Rex Philippus viuum infodi iussit, eo quod
mortuo dolosè vineam abstulisset, cap. 23.

urn:nbn:de:hbz:466:1-13177

catum conspexit, qui territus, rediens quid videret domino renuntiauit. Post quem missa ancilla, dixit se similia vidisse. Ille sibi putans illudi, ait cum indignatione: Etiam si diabolus fuerit, ego tollam eum. Et surgens de mensa, mox ut se in cistam ad leuandam scutellam inclinavit, serpens collo eius insiliens, ut vitium duplicitatis congrue puniret, circa eius guttur se colligando duplicauit: cum comedente comedit, & quotiens ei subtrahebantur cibaria, vel adhibebantur aliqua, quibus deponi deberet, instrumenta, ita collum hominis strinxit, ut intumescente facie, oculi de sedibus suis mouerentur. APOLLONIVS: Merito autem videtur mihi punitus per serpentem, quia sicut diabolus per serpentem Euam decepit, ita per istum, mulierem simplicem circumuenit. CAESARIVS: Recte sanitatis. Tredecim anni sunt elapsi, plus in minus, ex quo illi contigerunt. Nam ductus est idem Henricus in caruca per prouinciam nostram, ad diuersa sanctorum limina, & viderunt eum multi, quem praedicta mater, pœnæ eius compatiens, materno affectu sequebatur. Circa eadem tempora vitium duplicitatis & astutiae supra dicto Philippo rege Franciæ, tali ordine deprehensum, terribiliter est punitum.

CAPUT XXIII.

HAbebat idem Rex in ciuitate Parisiensi Præpositum, qui cuiusdam sui concuius vineam concupiscens, ut sibi venderet illam, importunè nimis instabat. Respondente ciue, sicut Naboth respondisse legitur Achab Regi Israëli; Vixit Dominus, quia non vendam tibi patrum meorum hæreditatem, eo quod nulla ad hoc me compellat necessitas. Præpositus minas intulit, sed non profecit. Contigit ut interim hominem oreretur. Quo cognito, Præpositus effectus hilior, huiusmodi dolos, sicuti homo astutus, nimis ad suam pernitiem excogitauit. Duos siquidem ex Scabinis, ut sibi testimonium falsitatis ferrent, pecunia corrupit, cum quibus, sicut condicatum fuerat, mox intempesta nocte, defuncti sepulchrum adiit, terraque ejecta, in fossam descendit, & sacculum pecuniarum,

pecunia, quam viro pro vinea obtulerat, in manu ponens mortui, ait: Testes estis vos domini, quod tantam pecuniam homini isti pro vinea sua tali dederim, quae ipse quidem, ut vos videtis, manu sua recipit, nec aliquid contradicit. Dicentibus illis, Testes sumus, mox recepit pecuniam, & rejecit terram. Mane, testibus eisdem adhibitis, vineam sibi vendicauit. Quod cum relicta defuncti didicisset, stupens accurrit, & contradixit, asserens neque maritum neque se vineam illam Praepolito vendidisse, neque unquam pecuniae aliquid pro ea recepisse. Cui ille respondit: Ego tanto vineam comparauit, pecuniam sub testimonio horum Scabinorum in manus viri tui posui, nec contradixit. Quae se nil videntes proficere, ad Regem cucurrit, de violencia Praepositi illi conquerens. Illo sub praedictorum testimoniorum contradicente, Rex, quia audientia vacante non potuit, quibusdam causam commisit: qui testimonio Scabinorum decepti, in partem Praepositi declinantes, pro eo contra viduam dedere sententiam. Tunc illa amplius turbata, cum Regi clamoris fletibus nimis esset importuna, Rex testes vocari iussit, & quia vir prudens fuit, prudenter illos examinavit, accito prius uno, & solus loquens cum solo, ait: Nostri Dominicam orationem? Respondente illo: Noui Domine, subjunxit Rex: Dic ergo illam me audiente. Quod cum fecisset, nihil aliud ei loquens, pracepit ut in vicinam cameram secederet; & aduocans alterum, seuerius eum allocutus est, dicens: Socius tuus de vinea illa tam meram mihi retulit veritatem, sicut est sanctum Pater noster, quo nihil est verius. Quod si ab eo discordaueris, punieris. Aestimans ille, quia Regi omnia dixisset, timens ac tremens ad pedes eius corruit, dicens: Miseremini nostri domine, quia sic & sic fecimus, a Praeposito nostro inducti. Iratus Rex valde, vineam viduæ restituit, & Praepositum viuum sepeliri pracepit. **A P O L O N I V S:** Iustè actum est, ut is sine misericordia infoderetur viuus, a quo inhumanè mortuus fuerat effossus. **C A S A R.** Peccati a Deo est sapissime,

vt

364 DE SIMPLICITATE
vt secundum modum culpæ, formetur modus vindictæ. De quo tibi etiam pauca subiungam exempla.

CAPUT XXIV.

Quo modo quis peccat, eodem quoque non raro punitur. **C**anonicus quidam sancti Andreae in Colonia, qui mihi retulit magister Reinerus eius canonicus, ad colligendam cuiusdam ecclesiæ decimam singulis annis mittere consuevit seruum suum, qui ante quoddam patibulum transiens, & hominem recenter in eo appensum adhuc palpitare cernes, misericordia motus, laqueum gladio incidit, atque allata aqua refocillavit. Qui resumptis viribus, mala pro bonis retribuens, ad proximam villam liberatorem suum secutus, in equi eius frenum manu misit, & qui eundem sibi vi abstulisset, vociferatus est. Mox homines circumquaque accurrentes, & de rapina frenantes, sine audience iuuenem ad idem patibulum, de quo fur fuerat depositus, duxerunt. Nondum erant homines alterius villæ plenè reuersi, quia ad suspendium dicti furis confluxerat; & ecce concursum ad patibulum, quod commune erat utriusque villæ, videntes nutus Dei reuersi sunt, causam interrogantes, data est homini copia loquendi: Ego, inquit, hominem istum de patibulo liberaui, & ecce tam iniquum beneficium repedit mihi. Quem illi considerantes & cognoscentes, secundò eum plenè suspenderunt, & liberatus est sanguis innoxius.

CAPUT XXV.

Non est diu, quod peregrinis quibusdam de Alemania ad limina sancti Iacobi tendentibus, & falsus eis frater nocte quadam se sociavit: manè exuentibus de hospitio usque ad portam ciuitatis illos secutus, vni illorum manus injecit, clamans sibi equum eundem ab eo ablatum: & compulsi sunt redire in hospitium à Iudice. Testificantibus peregrinis omnibus, quod is, quem ille impetebat, esset vir simplex & bonus. Iudex prudenter agens, fure absente omnium equorum sellas & frena deponi, sicq; eos in stabulum duci precepit. Quo facto, dixit ad furem, intra & educ equum tuum. Intravit ille, & adduxit eum